

Alos est, vndeclinq; Nestoris fratres interempti. Sed enim Nestor prius emissus fuerat ad Gerenios vbi educaretur, qui solus superstes in patria inde restitutus est, & ab educationis loco Gerenius: ab effugio vero, quo saluatus est, Hippota.

F R A E N A T A F E R O C I T A S

Vulgatisimum illud est argumentum, hominem feroci in uictoq; animo, in perio tamen & rationi obsequetem, hieroglyphice per frænatum equum significari. Hinc Panætius apud Cie. Africanum solitum ait dicere, vt equos propter crebras cõtentiones præliorum ferocitate exultantes domitoribus trædere soleant, vt his facilioribus vti possint: sic homines secundis rebus effrænatos sibiq; præsidentes, tanquam in gyrum rationis & doctrinæ duci oportere. Animal nimurum ferox atque magnanimum, quod leges tamen subiit, nec frenum depulit ore, vt ait Horatius, de quo qui hominis opem implorauit, seq;

Sed tamen idem olim curru succedere sueti

Quadrupedes, & fræna iugo concordia ferre.

BIn huiusmodi sententiam est Scipionis dictum non incelebre. Quum Romani contra Antiochum iā in Asiam traiecerint, isq; legatos demum de pace misissent ad Scipionem, respondit is: Id prius factum oportuit, non postquam & frænum & sessorem accepisset. Sed illud quoq; animaduertendum est, de Carthaginis portento, quod murorum fundamenta fodientibus oblatum est: quippe vt apud Maronem, caput acris equi, hinc gentē fore bello egregiam præmonstratum. Quod vero subiungit, Facilem, vietu, nō de bouillo capite, vt Seruus, sed de ipso eodem equino intelligendū, cuius ostentia sit interpretatio, vt facilem vietu per secula gentem, facilem quæ tādem vinceretur, exponamus: hoc enim magis ad Virgilianā accedit sententiam, quamvis in Tauri cōmentario Seruianum intellectum illustrare conati sumus. Coniectores vero, vt eò redeam, eos qui se caput equinum, vel caninum, vel asinum habere somniarunt, in seruitutem vel id genus ærumnas dedendos esse suspicantur. Sunt enim tria hæc animalia seruituti mirum in modum obnoxia. Addam & illud eorundem Onirocritarum interpretamentum, quo visum aiunt in somnis equum qui se portet,

C polliceri, vt amica amantis imperio facile sit subiicienda, morigeraq; in posterū futura. Nam de pullo indomito pro puella adhuc intacta, Anacreontis carmina paulo inferius loco suo recitatuntur. In Diuinis literis, vbi Elisæus montem auxiliariibus equitibus plenum per adaptos pueri oculos cōspexit, quos q; vates Abachus Domini equos, & equitatus nominat, animas intelligit Adamantius quæ frænum disciplinæ sanctioris accipiunt, iugumq; lauacritatis, quæ ab ipso Dominō proficiscitur, portat, eiusq; spiritu regi patiuntur. Beatasq; illas appellat, quæ dorsum curuauere suum, vt dorso verbū Dei sessorem accipiāt: cuius fræna patientur. & quoquouersum ille impulerit iter arrip^o aut: ei^o deniq; habenis moderati, nō ex libidine sua, sed tanti sessoris arbitrio flecentur, cursum in eant, & cōsistant. Eucherius sanè inueniri ait in Diuinis literis equū pro viro sanctitate prædicto pon: eoq; spectare Abachuntis illud alibi dictū, Qui ascēdes super equos tuos. Sanè Græci Palladi nomen ab equo domito inditū tradunt: & vti suprà diximus, apud Pindarū legas frænum Corinthi ab ea inuentum, & Pelopi dono datum: & in Ilij capture instar montis equum Græci Palladi dedicarunt. Hoc vero significat, ferocitatem omnem doctrina molliri atque cicurari, quod ita luculenter Horatius exprefsit: